

АЙМАГЫМНАЙ СОНИНУУД БОГОНИ МҮРӨӨР:



Россиин тамиры габьяата мастер Сергей Трофимович Леоновы шанда хүртэлгын гирээр Бүхэроссиин тэмсээ ноябриин 16 - да эхилээ.

16 могоос 404 тамирчад Улаан - Үдэ хотодомнай суглараа. Сэлэнгын аймагы хуухэды тамиры сургуулийн 9 тамирчад Буряад Уласы бүридэлдэ ороо. Чанга тулалдааны хойно, 63 кг чэгнүүртэ Курушов Иван илажа гараа. Мүнгэн медальда Курушова Екатерина, Еремеева Алена, хүрэл медальда - Неволин Сергей, ба үшөө нэгэ хүрэл медаль манай Сэлэнгын Богатов Иван, ветеранууды дунда - Гусиноозёрск хотын эмнэлгын түбы эмчэн - Баир Базарбанин басал гурватъ суури эзэлээ.



«За проявленное мужество» - гэсэн медальаар Сэлэнгын аймагы Галуута нуур нютагы 13 насты Никита Лобастовы Арады Хурал соо шагнаба.


Жэл урда энэ Никита хувүүн мүсэн дээр наасча байтараа сүмэрсэн хувүүны аварсан тухай дуулгаа бэлэйдь. Энэ ехэ зүрхэты явадалын тэмдэглэжэ, шагнаха гэсэн захяалгын Оросы Холбоото Уласы Холбооны зүблэлы дарга Валентина Матвиенко гараа тавяа. Никита хувүүнээ үшөө дахин амаршалаад, хуби заяа ехэты боложо явхын хүсээ.



Буряад арадай нааданууды фестиваль түрүүчынхиигээ Ивалгын аймагы Гэльбэрэ нютагта ноябриин 19дэ үнгэрөө.

Энэ наадамда бүхы уласаасамнай 19 бүлгэмүүд сугларжа, шагай нааданай шүүрэлгэ, нясалалга, габшагай хувүүн,

ташуур таталга, баабхай шэдэлгэ, шатар гэхэ мэтэ тэмсээнүүдтэ оролсоо. Тэмсээны дүнгөөр түрүүшын суурид манай Сэлэнгын аймагы бүлгэм гараа, 2-ть суури Түнхэны аймаг, 3-ть суури Ивалгын аймагы бүлгэм эзэлээ.



«Шаг в будущее» гэсэн Сибирийн болон Алас Дурны можонууды эдир эрдэм шэнжэлэгчэды тэмсээ ноябриин 14 - оос 18 болотор Барнаул хотод үнгэрөө.

Эгээ эрхим, талаан бэлигты, урагшаа эрмэлзэлты ухаанты 7 - 11 анги хүртэр сурагчад, 1-ть, 2-ть курсын оюутад энэ хэмжээ явуулганда Россиин 14 могоос цуглараа. Энэ тэмсээндэ манай аймагы Загастайн дунда сургуулийн 9-ть ангиин Цоктоева Айлана уригдажа, Баярма Цыденжаповна Дамбаева багшатыгаа ошчо оролсоо. Шалгалтын комиссид Алтай можын 30 гаран эрдэмтэд сурагчады хиисэн түсэлнүүдын, шэнжэлгэнүүдын үндэр сэгнэлтэнүүдээр сэгнээ. Айланан түсэл эгээ эрхим ажалнууды нэгэн гэжэ тэмдэглэгдээ. Айлана Цоктоевагаа ба багшын Баярма Цыденжаповна Дамбаевагаа үндэр амжалтатаарнь амаршалаад, үшөө Шэнэ илалтанууды хүсээ.